

NGAA TAKE MAATAAMUA O TE KAAHUI AKO O TAINUI



Te Tirohanga Whaanui

“Kia tuu rangatira ai te uri o Tainui i roto toona ao.”

Ko te koorero nei te whaainga matua o te Kaahui Ako o Tainui. I ahu mai teenei whaainga i ngaa rautaki aa-iwi o Tainui, araa, o ngaa iwi o Hauraki, o Raukawa, o Waikato tonu.

Nгаа Wawata

Ko te wawata nui o te Kaahui Ako o Tainui (araa, ko ngaa whaanau me ngaa kura), kia tuu rangatira ngaa aakonga i te ao. E peenei ai te aahua o te aakonga, me:

- matatau ia ki te reo me ngaa tikanga o Tainui
- eke ia ki ngaa taumata o te ako
- whai waahi ki ngaa kaupapa o te iwi, o te hapuu, o te whaanau
- moohio ki toona whakapapa, ki toona whaanau, otiia ki toona tuakiri ahurea hei tuuaapapa moona kia maaia tana tuu hei tangata o te ao.

Ngaa Koorero moo te Kaahui Ako o Tainui

Noo te tau 2017 i tiimata ai te para i teenei huarahi o te Kaahui Ako. Naa te mea kua roa ngaa kura nei e mahitahi ana, i tiikina atu eetahi kaiaawhina kia huri ai te waka ki teenei ara hou. Naa te kaha waananga i ngaa hiahia me ngaa take matua o teena kura, o teena kura i puta ai teenei kaupapa whakakotahi i a maatou. E whai ake nei te tukanga i whaaia e te Kaahui Ako nei.

TE TŪĀPAPA (Whiringa a Nuku 2017 - Kohitātea 2018)

- Appoint Change Manager
- Appoint Expert Partner
- Construct, socialise and confirm communication plan with kura and their communities
- Draft and consult on Memorandum of Agreement (hui with kura, tumuaki, BoTs/whānau, kaiako)
- Engage with New Appointments National Panel re process for appointment of Lead Tumuaki
- Develop rationale for dual leadership

TE WHAKAKAUPAPA (Kohitātea 2018 - Whiringa a Rangi 2018)

- Co-construct a shared vision of Tainui student will achieve success through Māori medium education i.e., "Kia tū rangatira te ākonga i roto i tōna ao." (Jan 2018)
- Draft possible outcomes to increase the number of students in total immersion schooling, provide choice fo career pathways and strengthen a seamless total immersion pathway at transition points (Jan 2018)
- Identify shared Priority Areas (Mar 2018)
- Recruit two lead Tumuaki (Apr 2018)
- Gather, analyse baseline data (Sept 2018)
- Identify related achievement challenges, consult, socialise, re-draft, confirm, finalise (Nov 2018)
- Adopt a privacy protocol
- Consult and sign off by Boards on MoA and Achievement Challenges

TE WHAKATINANA (Whiringa a Rangi 2018 -)

- Develop a Shared Achievement Challenges strategy and outcomes (Nov 2018)
- Recruit Lead kaiako: Across Kāhui Ako (Feb 2019)
- Develop a PD plan and implement
- Recruit and appoint within kura kaiako
- Determine process for documenting and sharing learning across the Kāhui Ako
- Gather and analyse data against achievement goals
- Design an appraisal system that recognises Kāhui Ako positions
- Design reporting system for reporting to Kāhui Ako and Boards

Ngaa Kura o Te Kaahui Ako o Tainui



Te Kōhao Kōhungahunga/Te Puna Reo o Te Kōhao

60-62 Tennyson Road, Hamilton

*Kia whakatinanatia ko te ihi, ko te wehi, ko te wana
me te hauoranga o te whānau*

Iwi: Ngaati Wairere, Ngaati Maahanga, Ngaati Hauaa
Momo: Puna Kōhungahunga, Puna Reo
Tumuaki, Kaiwhakahaere: Tere Gilbert



Ngā Taiātea Wharekura

134 Rotokauri Road, RD 9, Hamilton

E Puta ki Taiātea.

Iwi: Ngaati Maahanga
Momo: Kura aa-Iwi
Tumuaki: Duane Allen



Te Kura o Ngāti Hauā

Pukemoremore Road, RD1, Cambridge

Whitikingia te reo, te wairua me ōna tikanga.

Iwi: Ngaati Hauaa
Momo: Kura aa-Iwi
Tumuaki: Hinetai Kereopa



Te Kura o Rangiriri

39 Rangiriri Rd, RD2, Te Kauwhata, 3782

*Nau te pahua i au i tēnei rangi, kei au āpōpō.
Kei ngā tōpito e whā o te ao ōku nei hoa
Ka wheeke, ka wheeke, i ngā rā o Mātiti.*

Iwi: Ngaati Pou, Ngaati Hine, Ngaati Naho
Momo: Kura aa-Iwi
Tumuaki: Melissa Kani




Te Kura o Waharoa

32 Ward Street, Waharoa, 3401

Kia uu ki ngaa mahi

Iwi: Ngaati Hauaa, Ngaati Te Oro
Momo: Kura aa-Iwi
Tumuaki: Juanita Paraha



Te Wharekura o Manaia

Goldfields Road, RD1, Coromandel, 3581

Ko Te Awaawa o Manaia

Iwi: Ngaati Maru, Ngaati Puukenga, Ngaati Whanaunga,
Ngaati Tamateraa
Momo: Kura aa-Iwi
Tumuaki: Martin Mikaere

Te Wharekura o Ngā Purapura o Te Aroha

320 Factory Road, Te Awamutu, 3840

He taonga te tamaiti.

Iwi:

Momo: Kura Māori

Tumuaki: Jade Tapine

**Te Wharekura o Rākaumangamanga**

26 Mcdiarmid Crescent, Huntly, 3700

Maaku anoo e hanga tooku nei whare.

Iwi: Waikato

Momo: Kura aa-Iwi

Tumuaki: Barna Heremia

**Te Wharekura o Te Kaokaoroa o Pātetere**

117 Buckland Street, Putaruru, 3411

Whāngai te iti kahurangi.

Iwi: Ngaati Raukawa, Ngaati Aahuru, Ngaati Mahana

Momo: Kura aa-Iwi

Tumuaki: Keith Silveira

**Te Kura Kaupapa Māori o Bernard Fergusson**

Duke Street, Ngāruawāhia

Mahia te mahi hei painga mō te iwi.

Iwi: Waikato, Ngaati Mahuta, Ngaati Te Weehi

Momo: Kura aa-Iwi

Tumuaki: Paora Royal

Te Kura Kaupapa Māori o Te Pūaha o Waikato

Stack Road, Tuakau, 2695

Iwi: Waikato, Ngaati Tiipa

Momo: Kura Kaupapa Māori - Te Aho Matua

Tumuaki: Phyllis Bhana

**Te Kura Kaupapa Māori o Tōku Māpihi Maurea**

137 Silverdale Road, Hamilton, 3254

Kia eke ai te tamaiti ki tōna taumata.

Iwi: Ngaati Hauaa, Ngaati Wairere

Momo: Kura Kaupapa Māori - Te Aho Matua

Tumuaki: Laura Hawksworth

Te Rohe o te Kaahui Ako o Tainui



Te Tokomaha o ngaa Aakonga

I te Hōngongoi, 2018

[Naa te Taahuhu o te Maatauranga eenei tatauranga]

Tainui Kāhui Kura - 11 Kura / 2 ELS	Hoongongoi, 2018						
	Total Roll	Māori	% Māori	Pacific	% Pacific	Pākehā	% Pākehā
	1792	1774	98.7%	6	0.3%	12	1%
Nga Taiatea Wharekura	261	261	100.0%	0	0%	0	0.0%
Te Wharekura o Te Kaokaoroa o Patetere	310	310	100.0%	0	0%	0	0.0%
Te Wharekura o Nga Purapura o Te Aroha	91	85	93.4%	1	1%	5	5.5%
TKKM o Te Puaha o Waikato	39	38	97%	0	0%	1	2.6%
TKKM o Toku Mapihi Maurea	111	111	100.0%	0	0%	0	0.0%
TKKM o Bernard Fergusson	153	153	100.0%	0	0%	0	0.0%
Te Wharekura o Manaia	129	125	96.9%	0	0%	4	3.1%
Ngati Haua School	77	75	97%	0	0%	2	2.6%
Te Wharekura o Rakaumangamanga	461	457	99.1%	4	1%	0	0.0%
Rangiriri School	17	17	100.0%	0	0%	0	0.0%
Te Kura o Waharoa	38	38	100.0%	0	0%	0	0.0%
Te Kohao Kohungahunga	74	73	98.6%	1	1%	0	0.0%
Te Puna Reo o Te Kohao	31	31	100.0%	0	0%	0	0.0%

Nгаа Тауаарай

E haapai ana te Kaahui Ako o Tainui i te mana o teena, o teena iwi, o teena, o teena kura. Engari, araa ngaa aahuatanga, ngaa kaupapa, me ngaa huaanga e paa ana ki a taatou, e whakakotahi nei i ngaa kura ahakoa ko wai te iwi, ahakoa kei hea te kura, ahakoa noo hea te whaanau.

Ko eetahi o ngaa kaupapa e noho ana hei tauaarai i ngaa kuura o te Kaahui Ako nei, ko:

- *Te pakari o te kaiako*

Araa, ko te hauora o te kaiako me te matatau o te kaiako ki tana mahi. Teeraa pea, e noho kootui ana eenei kaupapa. Ki te kore te kaiako e tino matatau ki tana mahi, ka taumaha ake te mahi, aa, ka uua rawe te kawae i te whaanuitanga o te mahi. E kitea ana teenei tuuaahuatanga e taami ana i ngaa kaiako hou me oo raatou pou, aa, i roto i ngaa kura paku ka uua ake naa te tokoiti o ngaa ringa mahi.

Araa anoo ngaa kaiako kua roa nei e mahi ana i roto i te kura, e taami tonu ana i te taumahatanga o te mahi, e hiahia tonu ana i ngaa tautoko kia pakari ake oona puukenga whakaako, toona moohio ki te whakapakari i te ako o te aakonga. Kei te kimi huarahi ngaa kura ki te tautoko i aa raatou kaiako kia pakari te tuu hei kaiako.

- *Te pakari o te aakonga me toona whaanau*

Kei te kaha ake te paa atu o ngaa hua papori ki te ako o te aakonga—te tuuhauora o te whaanau, ngaa paanga o te ao paapaaho papori, te moohio o te whaanau ki te reo Maaori me ngaa tikanga Maaori, te kaha o ngaa whaanau ki te huunuku whare, huunuku rohe, huunuku kura, te noho koremahi o ngaa maatua. Ko ngaa hua ka puta ki ngaa aakonga i eenei tuuaahuatanga ko te kore hiakai ki te ako, ko te hiamoe o te hinengaro, ko te kore o te reo Maaori— katoa eenei e kitea ana i roto i ngaa kura.

- *Te marau aa-rohe*

Kua takoto te rautaki maatauranga o Tainui iwi. Ko taa ngaa kura he kimi huarahi e mahitahi ai raatou kia ea ai ngaa wawata o te iwi moo aa raatou tamariki, taiohi, aa, kia kotahi tonu te hoe o te waka. Ko te paatai matua, ko teenei: He aha kee ngaa aahuatanga ake o “ngaa kura o Tainui”?

Te Ahunga Whakamua

E whakapono ana te Kaahui Ako nei he hua ka puta ki ngaa kaiako, ki ngaa aakonga, ki ngaa whaanau hoki i te mahitahi, kia ngahoro ai ngaa taauaarai e paa atu ana ki ia kura, ki ia whaanau. Kua tiikina atu teeraa koorero rongonui a Pootatau hei whakatauiria i te hiahia nui nei kia mahi ngaatahi:


***Kotahi te koohao o te ngira e kuhuna ai
te miro maa, te miro pango, te miro whero.***
(Kiingi Pootatau, 1858)




I whakaaetia e te Kaahui Ako nei:

- kia aronuihia te aakonga, kua ko ngaa kaupapa ako.
- kia whakaarohia te aakonga hei tangata, hei aakonga, hei uri o Tainui – koinei te tuapapa moo te ako.

Naa, ko ngaa 'miro' e aronuihia ana e ngaa kura o te Kaahui Ako o Tainui he kaupapa e haangai ana ki ngaa kura katoa o te Kaahui Ako me aa raatou aakonga, kaiako, whaanau anoo hoki, aa, e tohe ana te Kaahui Ako nei maa te whakapau kaha ki eenei kaupapa e whakatata mai ai te whaainga matua o te Kaahui Ako. Noo reira, ka mahitahi taatou kia pai ai te kuhu atu a teena miro, a teena miro i te koohao o teenei ngira a te Kaahui Ako.

Ko ngaa miro e toru



Te Miro Maa	Te Miro Pango	Te Miro Whero
<i>Ko te Reo</i>	<i>Ko te Ako</i>	<i>Ko te Tuuhauora</i>
<ul style="list-style-type: none"> • Me moohio ki te reo o toona iwi • Me moohio ki te reo o te kura/ako • Me moohio ki te whakaputa i oona whakaaro – kia rere, kia tika, kia Maaori toona reo • He ipu koorero te tamaiti. 	<ul style="list-style-type: none"> • Me moohio ki te ako • Me whai whakaaro kia auaha, kia whaanui, kia Maaori tonu • Me moohio ki te whakaahua i taana i ako ai • Me moohio ki te whakatipu/ whakawhaanui maatauranga • He aakonga te tamaiti 	<ul style="list-style-type: none"> • Me pakari te hinengaro, me te tinana. • He tau te mauri, he Maaori te wairua. • He kaha ngaa hononga tangata • He tangata, he rangatira, he kura, he uri whakaheke te tamaiti.
		
Kaupapa matua a te iwi: Ko te uri o Tainui, he matatau ki toona reo aa-iwi me oona tikanga aa-iwi.	Kaupapa matua a te iwi: Ko te uri o Tainui, ka eke ki ngaa taumata, ka tuu rangatira i te ao.	Kaupapa matua a te iwi: Ko te uri o Tainui, he manawaroa, he manawa ora, aa, ka tuuhauora.

TE MIRO MAA: KO TE REO

Nga tuuhononga ki nga mahere aa-iwi:

- *Tainui descendants are fluent in their reo-aa-iwi me oona tikanga. [cf. Waikato-Tainui Education Plan 2015-2020: Priority One]*
- *Reo-aa-iwi is valued, accessible, and utilised. [cf. Raukawa: Strategic Outcome 2]*
- *Mana Motuhake – enhancing identity, confidence and influence [cf. Hauraki: Strategic Blueprint]*
- *To lift fluency in te reo o Waikato-Tainui for Tribal members from 34% in 2015 to over 80% by 2050. [cf. Waikato-Tainui Tikanga Ora Reo Ora]*

Whaainga: Kia Arohaina te Reo

I mua i te 2021, ka pakari ake te reo aa-waha o nga aakonga kaaore i te eke ki nga taumata o te marautanga e hiahiatia ana, kia kaua te reo e noho hei aarai i te ako.

He Whakamaarama:

Ko nga kura me nga koohanga o te kaahui ako nei, he kaupapa reo Maaori. Ko te reo Maaori te tuuaapapa o nga akoranga katoa. E peenei ai, he whakapono noo nga kura me te iwi, ko te rumaki te huarahi e ora ai te reo Maaori, e tuu rangatira ai nga tamariki i roto i te ao, aa, e moohio ai te aakonga ki toona tuakiri Maaori.


Moo nga aakonga o teenei rohe, maa te koorero i toona reo aa-iwi, e moohiotia ai ia he uri noo Tainui waka.

Moo te iwi, ko nga kura o te kaahui nei teetahi o nga huarahi e ora ai nga reo aa-iwi o Tainui. Ko teetahi o nga maataapono o te mahere reo a Tainui-Waikato e taunaki ana i teenei whakaaro araa, “Kia pakari te reo me nga tikanga i te kaainga, i te marae, i te kura, i te haporii”. (Tikanga Ora Reo Ora, wh 10).

Moo nga kura, ko te reo aa-waha te tuuaapapa o te reo matatini, aa, koia hoki te taura here o nga whakaaro, te ako, me te reo. Noo reira, me pakari te reo aa-waha tuatahi kia hoohonu ai te whakaaro, kia whaihua ai te ako, kia matatau anoo ai te reo.

Ngaa Raraunga (hei puunga):

Reo aa-waha Tau 1-8		
	2017 (n=580)	2018 (n=271)
Manawa Taki (e taurite ana raanei)	5%	6%
Manawa Aki (e taurite ana raanei)	22%	29%
Manawa Ora (e taurite ana raanei)	52%	48%
Manawa Toa (e taurite ana raanei)	21%	17%



NCEA TAUMATA 2: TE REO MAAORI ME TE REO RANGATIRA*				
	NCEA 2 Te Reo Maaori (Koorero) AS91285		NCEA 2 Te Reo Rangatira (Koorero) AS91784/AS91785	
	2017	2018 (provisional)	2017	2018 (provisional)
Taumata 2 Koorero (kaaore i whiwhi)	0	25%	18%	
Taumata 2 Koorero (paetae)	14%	0%	35%	
Taumata 2 Koorero (kaiaka)	43%	25%	15%	
Taumata 2 Koorero (kairangi)	43%	50%	33%	

*Teeraa pea kei ngaa tau 7-11 noa iho e ako ana eetahi o ngaa aakonga e whai ana i Te Reo Maaori.

Te Rautaki:

E tutuki ai teenei kaupapa:	Ina tutuki teenei whaainga, ka kitea eenei aahuatanga:
<p>1. <i>Mahere rautaki/Maahere aa-Tau</i> Ka tuhi whaainga aa-tau ia kura moo te reo aa-waha.</p>	<p>Taiao Kura E ai ki ngaa kaiako, kua kaha ake te rongu i te reo Maaori e koorerohia ana e ngaa aakonga.</p>
<p>2. <i>Whakangungu kaiako</i> Ka whakangungua ngaa kaiako kia pakari ake ai oo raatou moohio ki te whakaako, ki te aromatawai i te reo aa-waha.</p> <p>Ka whakangungua ngaa kaiako ki te reo aa-iwi.</p>	<p>Arohaina te reo E kaingaakaunuitia ana te reo Maaori e ngaa aakonga. (Ka whakamahia pea teetahi uiuinga aakonga kia kitea ai ngaa whakaaro o ngaa aakonga.)</p> <p>Mahere Ako He hotaka mootuhake taa ia kura moo te reo aa-waha. He mahere whakaako reo aa-waha aa ia kura, aa, e whakatinanahia ana te hootaka me te mahere.</p>
<p>3. <i>Waananga reo</i> Ka tuu he waananga moo ngaa aakonga (Tau 7-8), ko te reo aa-waha te aronga nui.</p>	<p>Kaupapa Ngaio Ko te reo aa-waha o ngaa aakonga teetahi kaupapa motuhake ka waanangahia e ngaa kaiako. Ka kohia ngaa raraunga, ka waanangahia, aa, ka whakatakoto rautaki e pakari ake ai te reo aa-waha o ngaa aakonga e arotahia ana.</p>
<p>4. <i>Puukenga Reo aa-Waha</i> Ka tautohu te kaahui i ngaa puukenga reo aa-waha e tika ana kia mau i te aakonga i ngaa tau whakawhiti ki kura kee (araa, kia 5 oona tau, kia puta i te tau 6, kia puta i te tau 8).</p> <p>5. <i>Aroturukitia te ako</i> Ka tautohu ngaa kura i ngaa aakonga (oo raatou ingoa, te tokomaha, me ngaa hiahia ako) e raru ana i oo raatou reo aa-waha, araa, ko te reo aa-waha e aarai ana i te ako.</p> <p>Ka aroturuki te ako me te pakari haere o te reo aa-waha o ngaa aakonga e arotahia ana i teenei whaainga.</p>	<p>Raraunga E kaha ake ana te reo aa-waha i ngaa kura, aa, e kitea ana teenei tuuaahuatanga i ngaa raraunga.</p>
<p>6. <i>Whaanau</i> Ka whakatakoto kaupapa ia kura kia arohaina te reo i te kaainga.</p>	

TE MIRO PANGO: KO TE AKO

Nga tuuhononga ki nga mahere aa-iwi:

Tainui descendants transition into meaningful pathways [cf. Priority Two, Waikato-Tainui Education Plan 2015-2020].

- *Our people are held in high regard [cf. 2030 Key Goal-Capability, Raukawa].*
- *Mana Motuhake – enhancing confidence, influence, self-rule and self-determination [cf. Strategic Blueprint, Hauraki].*

Whaainga: Kia Pakari te Ako

I mua i te paunga o 2020, ka tuturu te noho mai o te pakirehua hei tikanga mahi maa nga kaiako kia pai ake ai nga putanga ako a nga aakonga.

He Whakamaarama:

Ko te pakirehua teetahi rautaki a te kaiako e pakari ake ai tana whakaako, aa, e pai ake ai nga hua ako a nga aakonga. Maa teenei tikanga mahi e whai whakaaro ai te kaiako ki te hononga o aana mahi ki nga putanga ako a nga aakonga. E kaha tautokona ana teenei tuuaahuatanga mahi e te raangai whakaako, aa, e whakapono ana te Kaahui Ako nei, he hua ka puta ki nga tamariki mokopuna o Tainui i teenei tikanga mahi.

Ko teetahi atu hua o te kaupapa nei ko te whakakotahi i nga kaiako. Ka taea e teetahi kaiako me tana kotahi te whai i taana ake pakirehua. Ka taea anoo nga kaiako o teetahi kura/kohanga kotahi te mahitahi, o teetahi kura/koohanga e rua, e toru raanei te mahitahi. Ko nga akoranga ka puta i te pakirehua, he mea toha ki nga kaiako katoa o te Kaahui Ako nei.

Kia tuturu te noho mai o teenei tikanga mahi ki roto i nga mahi a te kaiako, ka kitea nga hua o teenei whaainga i nga kaupapa katoa o te kura, o te koohanga raanei.

Nga Raraunga (hei puunga):

Uiuinga maa te Kaiako

Nga Kaiako e whakahaere ana i teetahi pakirehua i teenei waa (te oorau): 70% (n=30)					
	He ngoikore				Autaiatonu
	1	2	3	4	5
Te kaha o te kaiako ki te whakahaere pakirehua (n=30)	0	20%	40%	30%	10%
Te kaha tautokona e te kura (n=30)	3%	13%	23%	33%	27%

Te Rautaki:

E tutuki ai teenei kaupapa:	Ina tutuki teenei whaainga:
<p>1. <i>Mahere rautaki/Maahere aa-Tau</i> Ka tuhi whaainga aa-tau ia kura moo te kaupapa nei.</p>	<p>Whaainga Whaiaro Kua whakatakoto ia kaiako i eetahi whaainga ako maana—he whaainga e haangai ana ki aana aakonga, aa, kua moohio ia maa te aha e tutuki ai aua whaainga. Ka taea anoo e ia te koorero moo eenei kaupapa.</p>
<p>2. <i>Whakangungu kaiako, tumuaki</i> Ka whakangungua ngaa kaiako me ngaa tumuaki kia pakari ake ai oo raatou moohio ki teenei kaupapa, ki te pakirehua</p>	<p>Uiuinga Kaiako Maa ngaa raraunga e kitea ai:</p>
<p>3. <i>Hui whakangungu</i> Ka tuu he hui whakangungu (ToD) moo ngaa kaiako katoa o te Kaahui Ako.</p>	<ul style="list-style-type: none"> • kua tokomaha ake ngaa kaiako e whai ana i te pakirehua hei tikanga mahi. • he maaia ake ngaa kaiako ki te whakahaere pakirehua. • kua kaha ake ngaa kura, ngaa tumuaki ki te tautoko i ngaa kaiako i roto i ngaa mahi pakirehua.
<p>4. <i>Kaiaarahi Kaupapa (Across School Teacher)</i> Ka tautohua ngaa kaiako e moohio ana ki te pakirehua hei kaiaarahi (AST) i teenei kaupapa i roto i ngaa kura.</p>	<p>Putanga Ako Moo ngaa tamariki e aronuihia ana i te pakirehua, ka haangai ake ngaa aahuatanga whakaako ki a raatou, aa, ka pai ake ngaa putanga ako.</p>
<p>5. <i>Whaainga aa-Kura</i> Ka tautohua e teena kura, e teena kura, e te Kaahui Ako raanei t/eetahi kaupapa hei pakirehua maa ngaa kaiako araa, he pakirehua aa-kura, a kaahui raanei. Maa te Kaiaarahi Kaupapa teenei rautaki e tautoko.</p>	<p>Koorero Ngaio Ka waanangahia ngaa pakirehua a ngaa kaiako, aa, ko ngaa momo koorero he whaanui, he hoohonu, he tino haangai ki ngaa aakonga.</p> <p>Aromihi E whai waahi ana te pakirehua ki roto i te punaha aromihi a te kura.</p>

TE MIRO WHEREO: KO TE TUUHAUORA

Nga tuuhononga ki nga mahere aa-iwi

- *All Tainui tribal members know their whakapapa and are connected to their marae. [cf. Priority Three, Waikato-Tainui Education Plan 2015-2020].*
- *We are resilient and healthy people [cf. 2030 Key Goal-Wellbeing, Raukawa].*
- *Manaakitanga Looking after people from mokopuna to Kaumaatua; Wairuatanga Respecting the spiritual essence in all of us [cf. Strategic Blueprint, Hauraki].*

Whaainga: Kia Manaakitia te Aakonga

I mua i te 2021, ka moohiotia nga kura hei whare manaaki i nga uri o Tainui.

He Whakamaarama:

E rite ai te aakonga ki te ako, me tau toona mauri, me manaaki toona wairua, me haapai toona tuakiri. Ahakoa te kaha o nga kura o te Kaahui nei ki te tiaki i aa raatou aakonga, he nui tonu nga aahuatanga hou e paa atu ana ki te taiohi, ki te tamariki o eenei raa. He tokomaha haere nga tamariki e noho poohara ana i roto i nga kaainga, aa, e noho kuuare ana ki too raatou whaanau, hapuu, iwi. Ki te mahi takitahi te kura, kaaore e tutuki te whaainga nei, kaaore hoki e eke nga tamariki e arotahia ana i teenei whaainga ki nga taumata a hiahia ana.

Me moohio nga kura me nga kaiako me aha raatou kia rongu tonu ai te aakonga i te manaaki o te kura, kia rite ai ia ki te ako, aa, kia tuu rangatira ai ia hei uri o Waikato, ahakoa nga piki me nga heke o te waa.

E rua nga aronga o te whaainga nei:

1. Nga kaupapa hauora, kaupapa paapori e tuu rangatira ai te aakonga i roto i toona ao tamariki, taiohi raanei.
2. Nga kaupapa ahurea e tuu rangatira ai te aakonga i roto i te ao Maaori.


Ehara i te mea e noho motuhake ana teena me teena aronga. E haere kootuitui ana nga kaupapa e rua. Maa reira e tuu rangatira ai te aakonga hei tangata, hei uri o Tainui.

E kitea ana i roto i nga raraunga te rerekeetanga o te tamataane i te tamawahine. O nga tono katoa ki nga kaitautoko peena i te RTL, i te SWIS raanei, e 80% he tono aawhina i nga tama. Araa anoo teetahi reanga e muramurahia ana i roto i nga raraunga, ko nga aakonga o te tau 10 teeraa. Ko taa te Kaahui nei, he aata kimi huarahi hei tautoko i eenei aakonga, otiraa i nga aakonga katoa o te Kaahui Ako.

Nga Raraunga (hei puunga):


Tataunga taetae mai

Te Taetae atu ki te Kura (toharite) (i ahu mai eenei raraunga i nga kura e 8)															
	ECE	Tau 1	Tau 2	Tau 3	Tau 4	Tau 5	Tau 6	Tau 7	Tau 8	Tau 9	Tau 10	Tau 11	Tau 12	Tau 13	Toharite
Waahanga 3 2017	90%	89%	80%	81%	87%	87%	87%	90%	84%	86%	80%	84%	79%	82%	85%
Waahanga 4 2017	90%	87%	86%	85%	91%	90%	89%	87%	82%	85%	78%	89%	87%	74%	86%
Waahanga 1 2018	90%	85%	85%	86%	88%	90%	90%	87%	85%	85%	86%	85%	79%	80%	86%
Waahanga 2 2018	90%	85%	86%	87%	88%	89%	87%	90%	86%	81%	83%	78%	80%	75%	85%
Toharite moo te tau	90%	86%	84%	85%	89%	89%	88%	89%	84%	84%	82%	84%	81%	78%	85%



Nga Tono Tautoko: Te Maha (I ahu mai eenei raraunga i nga kura 12*)


E 74 nga tono ki te RTLb, ki te SWIS raanei i te waa o te Waahanga 3, 2017 tae atu ki te mutunga o te Waahanga 2, 2018.



Te Nui o ngaa Tono Tautoko: moo te tama, moo te kootiro raanei (i teenaa, i teenaa tau ako)																														
	ECE		Tau 1		Tau 2		Tau 3		Tau 4		Tau 5		Tau 6		Tau 7		Tau 8		Tau 9		Tau 10		Tau 11		Tau 12		Tau 13		Tapeke	
	T	K	T	K	T	K	T	K	T	K	T	K	T	K	T	K	T	K	T	K	T	K	T	K	T	K	T	K	T	K
Waahanga 3 2017	0	0	2	1	0	0	2	0	0	0	4	0	1	0	2	0	0	0	0	0	1	2	0	0	0	0	0	0	0	0
Waahanga 4 2017	1	0	2	1	0	0	4	0	0	0	4	0	2	0	2	1	0	0	0	0	3	0	0	0	0	0	0	0	0	0
Waahanga 1 2018	1	0	3	0	0	1	1	0	0	0	2	0	2	0	1	0	1	0	2	1	6	3	0	0	0	0	0	0	0	0
Waahanga 2 2018	0	0	3	0	2	2	1	0	0	0	2	0	2	0	1	0	1	0	0	0	1	0	0	0	0	0	0	0	0	0
	2	0	10	2	2	3	8	0	0	0	12	0	7	0	6	1	2	0	2	1	11	5	0	0	0	0	0	0	62	12

*Araa anoo eetahi tono kaare e whakaatuhia ana i eenei raraunga (hei tauira: ngaa tono ORS me ngaa tono aa-roopuu).

E kitea ana i roto i ngaa raraunga te nui o ngaa tono moo ngaa tama (84%), moo ngaa aakonga hoki o te Tau 10 (26%):



Ngaa Tono Tautoko: Te Momo (I ahu mai eenei raraunga i ngaa kura 11*)

Ko te nuinga o ngaa tono he take ako, he take whanonga raanei.

Types	Te Ako	Te Whanonga	Te Ako me te Whanonga	Hauora	Whaanau	Kaupapa atu anoo
Waahanga 3 2017	10	2	2	2	1	1
Waahanga 4 2017	10	1	8	2	1	1
Waahanga 1 2018	8	9	4	0	3	1
Waahanga 2 2018	9	10	4	0	4	1
Tapeke [^]	37	22	18	4	9	4

*Araa anoo eetahi tono kaare e whakaatuhia ana i eenei raraunga (hei tauira: ngaa tono ORS me ngaa tono aa-roopuu).

[^]Neke atu pea i te 1 ngaa tono moo te tamaiti kotahi.

Te Rautaki:

E tutuki ai teenei kaupapa:	Ina tutuki teenei whaainga, ka kitea eenei aahuatanga:
<p>1. <i>Rautaki aa-kaahui</i> Ka whakatoko mahere rautaki aa-kaahui e kitea ai:</p> <ul style="list-style-type: none"> • ngaa kaupapa hauora me ngaa rautaki ka tutuki i te mahitahi ki te iwi, ki ngaa whaanau, ki ngaa kura o te kaahui. • ngaa kaupapa mahitahi a te kaahui (hei tauira: ka tuu he ToD hei waananga i ngaa kaupapa tuuhauora, hei ako hoki i eetahi rautaki whakapakari i te tuuhauora o ngaa aakonga). • he huarahi hei tautoko i ngaa tamataane, i ngaa aakonga hoki o te tau 10. • ngaa kaupapa e piki ake ai te tuuhauora o ngaa aakonga me ngaa kaiako o te kaahui. • ngaa puukenga, ngaa maatauranga, me ngaa tikanga me moohio ngaa aakonga i teenaa taumata, i teenaa taumata. 	<p>Ngaa Pou Tautoko Kua whakatuuria i roto i te Kaahui Ako eetahi tuuranga pou tautoko moo ngaa kaupapa hauora.</p> <p>Ngaa Puunaha Tuuhauora Kei teenaa kura, kei teenaa kura he puunaha aroturuki whaihua moo ngaa paarongo tuuhauora.</p> <p>He whaihua ngaa puunaha whakawhiti paarongo (ki kura kee atu) kia maamaa ai te hunuku a te aakonga ki teetahi atu kura.</p> <p>He whaihua ngaa rautaki hei tautoko i ngaa aakonga e hoki atu ana ki roto i ngaa akomanga.</p> <p>Te Aakonga E kaha ana te aakonga ki te manaaki i oona hoa/i eeraa atu aakonga o te kura.</p>
<p>2. <i>Mahere rautaki/Maahere aa-Tau</i> Ka tuhi whaainga aa-tau ia kura/koohanga moo te kaupapa nei e kitea ai ngaa tino aronga o te kaupapa nei moo teenaa kura, moo teenaa kura. Hei tauira: <i>Ko te whakahaere i teetahi kaupapa hangarau matihiko, ko toona aronga ko te kiriraraunga matihiko (digital citizenship) e noho Maaori tonu ai te aakonga ki roto i te ao matihiko.</i></p>	<p>E moohio ana te aakonga ki te whakatau i toona anoo mauri. He rautaki aana e tau ai toona mauri i ngaa waa o te raru.</p> <p>E tuuhono ana ngaa aakonga ki oo raatou marae, aa, e moohio ana ngaa aakonga ki oo raatou whakapapa.</p> <p>Kua pakari te kiritau o teenaa aakonga, o teenaa aakonga.</p>
<p>3. <i>Uiuinga aakonga</i> Ka tuku aromatawai huritao e haangai ana ki ngaa tukutuku: Kia Manawapono, Kia Manawaroa. Hei mahi aroturuki teenei.</p>	<p>E moohio ana ngaa aakonga ki te whakarangatira i oo raatou hoa i runga i too raatou moohio ki ngaa marae me ngaa whaanau/whakapapa o oo raatou hoa.</p>
<p>4. <i>Whakangungu kaiako/tumuaki</i> Ka tuku aromatawai huritao (self-assessment) maa te kaiako moo ngaa kaupapa tuuhauora. Hei mahi aroturuki teenei.</p> <p>Ka whakangungua ngaa kaiako ki ngaa mate ako (i ahu mai pea i te mate hinengaro, i te anipaa, i teetahi take paapori raanei) ka paa ki ngaa aakonga.</p>	<p>Ngaa Kaiako E moohio ana ngaa kaiako ki te manaaki i te aakonga, ki te whakatau i te wairua o te aakonga, ki te whakapakari anoo i te kiritau o te aakonga – he moohio noo te kaiako ki ngaa marae me ngaa whakapapa, ki ngaa kaupapa hauora anoo e paa atu ana ki te aakonga.</p>

<p>Ka whakangungua ngaa kaiako ki ngaa rautaki whakaako e ako ai ngaa aakonga e raru ana i teetahi mate ako.</p> <p>Ka whakahaerehia eetahi kaupapa whakangungu motuhake moo ngaa tumuaki me ngaa ngaa kaiarahi i ngaa kaupapa tiaki.</p>	<p>Tukutuku: Kia Manawapono (Self-efficacy rubric)</p> <p>Ka aromatawai te aakonga i a ia anoo, aa, ka pai ake aana whakataunga i teenaa i whakatau tuatahihia ai - kia kotahi, kia rua taumata raanei te nui o te neke whakamua.</p>
<p>5. <i>Whaanau</i></p> <p>Ka whakatakoto kaupapa ia kura kia whai waahi ai te whaanau ki ngaa kaupapa hauora.</p>	<p>Tukutuku: Kia Manawaroa (Perseverance rubric)</p> <p>Ka aromatawai te aakonga i a ia anoo, aa, ka pai ake aana whakataunga i teenaa i whakatau tuatahihia ai - kia kotahi, kia rua taumata raanei te nui o te neke whakamua.</p>
<p>6. <i>AAkonga</i></p> <p>Ka ako ngaa aakonga i eetahi rautaki hei whakatau i oo raatou wairua (i toona ake, i te wairua raanei o teetahi atu).</p>	